

Resolusion

Blng. 22-119, CD1, FD2

PANNAKAISINGASING TI ENMIENDA ITI NAREBISAR A
CHARTER TI ILI TI MAUI (1983), KAS NAAMENDARAN,
TAPNO MABANGON TI DAGITI AUTORIDAD ITI DANUM TI
KOMUNIDAD TI ILI TI MAUI KEN TI REHIONAL A HUNTA
KOMUNIDAD TI AKINDAYA A MAUI

ANANSA TA, ti Ili ti Maui ket isingasingna a ti saludsod a no bilang ti Narebisar a Charter ti Ili ti Maui (1983), kas naamendaran ("Charter"), ket maamendaran pay tapno mabangon ti Dagiti Autoridad iti Danum ti Komunidad ti Ili ti Maui ken ti Rehional a Hunta Komunidad ti Akindaya a Maui ket mailanad iti balota ti sumaruno nga Eleksion Heneral; ken

ANANSA TA, ti panagkasapulan iti danum iti Ili ket agtultuloy a dumakkel gapu iti yaadu ti populasion, gapu iti pannakapaadu ti apit iti agrikultura tapno magun-od ti umdas a taraon; ken

ANANSA TA, ti kaadda ti masansan ken nakaro a tikag, ken dadduma pay a kasasaad ti aglawlaw dakkel ti ibungana iti suplay ti danum ken iti kabaelan ti Ili a mangsungbat iti kasapulan; ken

ANANSA TA, ti dumakdakkel a panagkasapulan iti danum ket kasapulanna ti agpaut, episiente, nalawag, umno, ken mayayon-iti-komunidad a pannakaimaton dagiti saluad ti danum ken pagtaudan ti danum iti Ili ti Maui;

ANANSA TA, ti kaaduan kadagiti munisipal a nasaknap a rehional a sistema ti danum iti Estados Unidos ket im-imatonan dagiti autoridad iti danum;

ANANSA TA, ti pannakabangon Dagiti Autoridad iti Danum ti Komunidad ti Ili ti Maui nga addaan kadagiti rehional a hunta komunidad ken empleado nga addaan iti kabaelan iti pannakapataray ti sistema ti danum, pannakapataud ti pondo publiko, pannakagun-od dagiti tulong pinansial, ken pannakaimaton ti saluad ti danum tapno maipanamnana ti pannakaimaton dagiti rekursos ti danum ti Ili iti kasasayaatan a wagas, nalawag, ken maikanatad iti pannakatagiben ti aglawlaw nga agserbi iti pagsayaatan ti publiko; ken

ANANSA TA, kas ahensia ti gobierno, ti kolektibo a Dagiti Autoridad iti Danum ti Komunidad ti Ili ti Maui ket addaan iti napatak nga obligasion a mangitandudo iti doktrina ti biling ti publiko ken kadagiti legal nga obligasion ti Linteg iti Komision ti Pagtaengan Hawayano ken ti Konstitusion ti Estado ti Hawai'i; ken

ANANSA TA, kas maysa nga ahensia ti gobierno, ti kolektibo a Dagiti Autoridad iti Danum ti Komunidad ti Ili ti Maui ket maaddaan iti kabaelan a mangala iti naan-anay a pondo manipud iti pribado, estado ken pederal a saan a mait-ited kadagiti

Resolusion Blng. 22-119, CDL, FD2

pribado ken aggangganansia nga entidad tapno maimatonan ken mapasayaatna dagiti sistema iti pannakaiwaras ti danum ken tapno masalakniban dagiti lokal a saluad ti danum; ken

ANANSA TA, ti Ili ti mangited iti danum a para iti pagtaengan ken para iti agrikultura kadagiti residentena, kadagiti negosio, kadagiti mannalon, ken kadagiti rantsero nga agpannurray iti danum iti rabaw ti daga manipud kadagiti Lisensiado a Lugar ("Lisensiado a Lugar") iti Nahiku, Ke'anae, Honomam1, ken Huelo nga intuding ti Estado ti Hawai'i ken masarakan iti Makawao ken Hana tapno maited dagitoy a kasapulan; ken

ANANSA TA, ti Dibision ti Daga ti Departamento ti Daga ken Recursos Naturales ti Estado ti Hawai'i "DLNR") ket adda ita iti proseso a mangited iti 30-a-tawen a katulagan a mangited iti karbengan iti danum para kadagitoy a Lisensiado a Lugar; ken

ANANSA TA, dagitoy a Lisensiado a Lugar ket adda met ibungana iti Nasurong a Maui (Upcountry Maui), a gapu iti kurang a suplay ti danum, dagiti residentena ket masapul nga ikabassitda ti usarenda a danum kadagiti panawen ti tikag, ket dagiti mannalon ken rantsero saanda met a makapagtalon ken dida met mataraken dagiti ayupda no agpaut dagiti panawen ti tikag; ken

ANANSA TA, ti East Maui Irrigation Company, LLC ("EMI") ket agap-aplikar para iti 30-a-tawen a karbengan iti danum para kadagiti Lisensiado a Lugar; ken

ANANSA TA, agpada a ti Alexander & Baldwin, Inc. ken ti Mahi Pono Holdings, LLC ken addaan iti 50 a porsiento a panagtagikua iti EMI; ken

ANANSA TA, ti kakaisuna nga imbestor ken kameng-agtagikua iti Mahi Pono Holdings, LLC's ket isu ti maysa kadagiti kadadakkelan a mangimatmaton iti pondo ti pension iti Canada, ti Public Sector Pension Investment; ken

ANANSA TA, ti pannakaaprobar ti 30-a-tawen a karbengan iti danum ti EMI ket isaadna ti dakkal a rekursos ti danum ti Ili ti Maui iti kontrol ti ganggannaet nga entidad nga imbestor nga aggangganar; ken

ANANSA TA, binukel ti Hunta ti Suplay ti Danum ti Ili ti Maui ti maysa a Temporario nga Agimbestigar a Grupo wenno Temporary Investigative Group ("TIG") tapno adalenna ti pisibilidad ti pannakagatang ken pannakamantener ti sistema ti panagiwaras iti danum ti EMI ken amirisenna dagiti alternatibo para iti pannakaipanamnama a dagiti umili ti Ili ti Maui ket addaanda iti bileg iti pannakaiwaras ti danum; ken

ANANSA TA, ti report ti TIG a napetsaan iti Disiembre 19, 2019, inramanna dagiti sumaganad a kangrunaan a rekomendasion: "Ti Ili ti Maui ket masapul a madagdagus koma nga agaplikar para iti agpaut (Karbengan iti Danum) para kadagiti Lisensiado a Lugar ti Nahiku, Ke'anae, Honomam1, ken Huelo"; ken

Resolusion Blng. 22-119, CD1, FD2

ANANSA TA, idi Enero 6, 2022, ti Hunta ti Suplay ti Danum ket sibubukel a nagbotos tapno ikalikagumna ti pananggun-od ti Ili iti karbengan iti danum ken tapno kaumanna ti DLNR iti kasapaan a gundaway tapno maammuan dagiti sumaruno nga addang iti panangaramidna iti daytoy; ken

ANANSA TA, idi Enero 7, 2022, inadaptar ti Konseho ti Resolusion 22-4, FD1, a nangaramid kadagiti sumaganad:

1. Ginutigotna ti Mayor a mangisingasing iti katulagan iti nagbaetan ti gobierno iti Hunta ti Daga ken Recursos Naturales ti Estado ti Hawai'i tapno mangipaay iti agpaut, mapangnamnamaan, ken kabaelan ti kaaduan a pagtaudan ti danum para kadagiti pagtaengan ken para iti agrikultura iti Ili;
2. Binilinna ti Pangulo ti Konseho a mangidanon iti korespondensia a mangyebkas iti kalikagum a manggun-od iti agpaut a karbengan iti danum para iti Ili ti Maui ken ni Suzanne D. Case, Chairperson, Hunta ti Daga ken Recursos Naturales;
3. Nangyebkas iti panagduadua iti panangited iti agpaut a karbengan iti danum kadagiti pribado, ken aggangganansia nga entidad; ken
4. Sinuportaranna ti rekomendasion ti TIG nga indatag ti Hunta ti Suplay ti Danum a ti Ili ti Maui ket madagdagus koma nga agaplikar para iti agpaut (Karbengan iti Danum) para kadagiti Lisensiado a Lugar ti Nahiku, Ke'anae, Honomam1, ken Huelo; ken

ANANSA TA, babaen ti korespondensia a napetsaan iti Enero 21, 2022, ti Pangulo ti Konseho pinakaammuanna ti Departamento ti Daga ken Recursos Naturales iti kalikagum ti Konseho a manggun-od iti agpaut a karbengan iti danum iti Akindaya a Maui; ken

ANANSA ta, no ti Dagiti Autoridad iti Danum ti Komunidad ti Ili ti Maui ket maipaayan iti karbengan iti danum nga awan bayadna wenno agbayad iti gatad a kas iti maipapaay kadagiti pribado nga agup-upa, ti masalimetmetan iti gastos, nayon a mapastrek, ken nayon a pondo ket mabalina a mausar a para kadagiti kasapulan a matarimaan ken pannakamantener ti sistema, pannakaikabassit ti singir iti danum kadagiti manalon, ken pannakaisubli ti saluad ti danum kadagiti Lisensiado a Lugar;

ANANSA TA, no ti Dagiti Autoridad iti Danum ti Komunidad ti Ili ti Maui ket kompleto a matarimaanna ken mamantenerna dagiti sistema ti danum ken maisubli ken mamantenerna dagiti saluad ti danum, ad-adu ti danum a mapataud ken maisubli kadagiti waig, ken para kadagiti pagtaengan ken para iti agrikultura, agraman iti Departamento ti Dagdaga a Pagbalayan Hawayano; ken

ANANSA TA, kuna ti Artikulo XI, Seksion 7 ti Konstitusion ti Estado ti Hawai'i: "Ti estado ket addaan iti obligasion a mangsalaknib, mangkontrol, ken mangtengngel iti pannakausar dagiti recursos ti danum ti Hawaii para iti pagsayaatan dagiti

Resolusion Blng. 22-119, CD1, FD2

tattaona"; ken

ANANSA TA, ti doktrina ti bileg ti publiko kas imandar ti Korte Suprema ti Estado iti kaso ti Waiahole Ditch idi 2000 ken iti kaso ti Kaua'i Springs idi 2014 ibilinna ti pannakaimaton dagiti rekursos ti danum tapno magun-od ti kasasayaatan nga umno ken benepisial nga alokasion; ken

ANANSA TA, dagiti uppat a pakausaran ti danum kas sagudayen ti bileg ti publiko ket para: (1) iti pagtaengan, kas koma mainum a danum; (2) kadagiti nariingan a tradision ken kultural a kannawidan Hawayano; (3) iti "pannakamantener ti kadandanuman iti natural a langada," a kas kuna ti Korte Suprema; ken (4) iti panangusar ti Komision ti Pagtaengan Hawayano para iti kasapulan dagiti homestead; ita ngarud,

NAPAGAANAMONGAN ti Konseho ti Ili ti Maui:

1. A mayayon iti Seksion ti Charter 14-1(1), isingasingna a ti Subseksion 1 ti Seksion 8-11.2 ti Charter, a mainaig iti Departamento ti Suplay ti Danum, ket maamendaran a kas iti sumaganad:

"1. [Ti] Malaksid no naibaga iti tsapter 19, ti departamento ti suplay ti danum ti mangimaton ken mangpataray kadagiti amin a sistema ti danum a kukua ti ili, ken mabalin a manggun-od wenno mangpasayaat kadagiti pagtaudan ti danum ken kadagiti sistema."

2. A mayayon iti Seksion ti Charter 14-1(1), isingasingna a ti Artikulo 8 ti Charter, a mainaig kadagiti Departamento ti Ili, ket maamendaran babaen ti pannakainayon ti baro a tsapter a maikanatad a madesignaran ken tapno mabasa a kas
iti
sumaganad:

Resolusion Blng. 22-119, co1, m2

"TSAPTER 19

DAGITI AUTORIDAD ITI DANUM TI KOMUNIDAD TI ILI TI MAUI

Seksion 8-19.1 Organisasion. Adda dagiti autoridad iti danum ti komunidad ti Ili ti Maui, nga am-ammo pay a kas “dagiti autoridad iti danum,” a buklen ti maysa wenno ad-adu pay a rehional a hunta komunidad, direktor heneral, para surat nga agkiddaw iti tulong pinansial, mangibabaet kadagiti komunidad, teknikal a para amiris iti sistema ti danum, ken kasapulan nga empleado a mangimaton kadagiti sistema ti pannakakolektar ken pannakaiwaras ti danum a nagun-od wenno patpatarayan dagiti autoridad iti danum.

Seksion 8-19.2 Dagiti Rehional aHunta Komunidad. Adda daytoy rehional a hunta komunidad ti Akindaya a Maui. Kas kakuyog ti imbestigasion, panangtagikua, wenno panangkontrol dagiti autoridad iti danum kadagiti sistema ti panagkolektar ken pannakaiwaras ti danum, ti konseho ket mabalina a mangbukel kadagiti nayon a rehional a hunta komunidad babaen ti ordinansa.

1. Ti rehional a hunta komunidad ti Akindaya a Maui ket pakaseknanna dagiti lisensiado a lugar ti Nahiku, Ke'anae, Honomam1, ken Huelo, ken buklen ti sangapulo ket maysa a kameng a nasken nga adda minimum a dua a kameng manipud iti tunggal lisensiado a lugar. Ti walo kadagiti kameng ket masapul nga addaan iti padas iti pannakaimaton ti pagtaudan ti danum ken pannakaisubli ti saluad ti danum ken agnaed iti aplikable a lugar ti plano ti komunidad. Kadagitoy a walo a kameng, uppat ti dutokan ti mayor. Dagiti nabati a tallo a kameng ket dutokan ti konseho maibatay kadagitoy a rekisito: ti maysa kadagiti kameng nga adda padasna iti pannakaimaton ti pagtaudan ti danum ken aktibo iti panagrantsa, panagtalon, panagtaraken iti lames, wenno loko i'a iti lugar a pakaipapaayan ti serbisio iti danum; maysa kadagiti kameng nga addaan iti padas iti pannakaimaton ti pagtaudan ti danum ken agnaed iti lugar a pakaipapaayan ti serbisio iti danum; ken maysa kadagiti kameng ti pannakabagi ti Komision ti Pagtaengan Hawayano, ken inrekomentar ti Departamento ti Dagdaga a Pagbalayan Hawayano. No ti Departamento ti Dagdaga a Pagbalayan Hawayano ket mapaay a mangirekomendar iti kameng iti uneg ti tallopulo nga aldaw kalpasan a maawatna ti pakaammo iti kaadda ti bakante, ti konseho ket mangdutok iti Pannakabagi ti Dagdaga a Pagbalayan Hawayano a kas kameng.

2. Kadagiti sangapulo ket maysa a kameng nga immuna a nadutokan, tallo ti agpaay iti termino a lima a tawen, tallo ti madutokan para iti termino nga uppat a tawen, ken tallo ti agpaay iti termino a tallo a tawen, ken dua ti agpaay iti termino a dua a tawen. No adda mabakantean a puesto iti hunta ti panagdutok ket maaramid a kas iti immuna a naaramid a panagtudok. Agpaay met a di-makabotos ken ex-officio a kameng ti hunta ti direktor ti kuarta, ti direktor ti suplay ti

Resolusion Blng. 22-119, co1, m2

danum, ti kameng ti konseho nga akin-iggem iti tugaw ti lugar a residensiana para iti aplikable a lugar a saluad ti danum, ken ti pangulo ti komite ti konseho nga akinsakup kadagiti pakaseknan ti danum.

3. Ti departamento dagiti personal a serbisio ket mangipaay kadagiti tulong iti direktor iti proseso ti panagala iti tao no makiddaw.

4. Dagiti dadduma a hunta rehional ket mabalin a mabukel babaen ti ordinansa a dagiti residente iti lugar a saluad ti danum ket buklanda ti dua-nga-apagkatlo dagiti kameng ti hunta ken ti maysa a kameng ket pannakabagi ti Komision ti Pagtaengan Hawayano, ken inrekomentar ti Departamento ti Dagdaga a Pagbalayan Hawayano. No ti Departamento ti Dagdaga a Pagbalayan Hawayano ket mapaay a mangirekomendar iti kameng iti uneg ti tallopulo nga aldaw kalpasan a maawatna ti pakaammo iti kaadda ti bakante, ti konseho ket mangdutok iti Pannakabagi ti Dagdaga a Pagbalayan Hawayano a kas kameng.

Seksion 8-19.3 Dagiti Bileg, Dagiti Pagrebbengan, ken Dagiti Akem ti Rehional a Hunta Komunidad. No maipanggep iti aplikable a lugar a saluad ti danum, ti tunggal rehional a hunta komunidad ket:

1. Mangdutok iti direktor.

2. Mangrepaso kadagiti preliminarario a panangtingiting, kadagiti panagadal, ken kadagiti report maipanggep iti aglawlaw nga insagana wenno naisagana para kadagiti autoridad iti danum.

3. Mangrepaso ken mangaprobar kadagiti agpaut a plano iti pannakaimaton ti saluad ti danum, mangrepaso iti tinawen iti nasao a plano, ken mangipaay iti naisurat nga ebaluasion ti tunggal plano a kayat a gun-oden ken ti kasasaad ti implementasion daytoy iti direktor, mayor, ken konseho.

4. Mangrepaso ken mangaprobar kadagiti programa ken prioridad a mainaig iti saluad ti danum.

5. Mangrepaso ken mangaprobar iti kiddaw ti mayor para iti tinawen a presopuesto para kadagiti operasion rehional ken pannakapasayaat dagiti sanikua.

6. Mangipaay iti tinawen nga ebaluasion ti direktor a maited iti mayor ken iti konseho.

7. Mangipaay kadagiti naisurat a kapanunotan maipanggep kadagiti rehional nga agpaut a plano iti pannakapasayaat dagiti sanikua, tinawen a report, ken tinawen a maaramat a presopuesto, agraman dagiti rekomendasion maipanggep iti singir iti danum ken iti plano ti pondo manipud iti pederal, estado, ken pribado a sektor.

8. Mangangay iti di nakurkurang ngem dua a miting ti komunidad a para iti publiko iti kada tawen iti region, ken mabalin a maangay a birtual no kasapulan.

Seksion 8.19.4 Dagiti Direktor Rehional. Adda direktor rehional iti Akindaya a Maui. Mabalin nga adda dagiti mainayon a direktor rehional a dutokan ti rehional a hunta komunidad a kanayon ti pannakagun-od dagiti sistema ti danum iti babaen ti kontrol dagiti autoridad iti danum. Dagiti direktor heneral ket dutokan ti aplikable a rehional a hunta komunidad babaen ti panangaprobar ti konseho, ken

Resolusion Blng. 22-119, co1, m2

mabalin nga ikkaten ti aplikable a rehional a hunta komunidad babaen ti panangaprobar ti konseho, wenzo direkta babaen ti dua-nga-apagkatlo a botos ti sibubukel a kameng ti konseho. Ti sueldo ti direktor ket ituding ti komision ti panueldo kalpasan a marepaso dagiti sueldo dagiti direktor ti autoridad iti danum iti dadduma a hurisdiksion.

Seksion 8-19.5 Dagiti Bileg, Dagiti Pagrebbangan, ken Dagiti Akem ti Direktor Rehional. Dagiti direktor heneral ket:

1. Manggun-od wenzo mangala kadagiti katulagan iti karbengan kadagiti sistema ti danum nga imatonan dagiti autoridad iti danum, agraman kadagiti lisensia iti danum iti Akindaya a Maui.

2. Iti laksid ti seksion 9-18(1), agpirma kadagiti katulagan iti nagbaetan dagiti gobierno ken kadagiti dadduma pay a legal a dokumento a direkta a mainaig iti pananggun-od wenzo pannakaimaton dagiti sistema ti pannakakolektar ken pannakaiwaras ti danum ngem ketdi masapul ti panangaprobar ti abogado ti konseho maipanggep iti porma ken legalidad daytoy ken masapul met ti sertipikasion ti direktor ti kuarta no adda met laeng umdas a pondo para iti daytoy.

3. Mangsiput iti pannakaipakat dagiti katulagan iti karbengan iti danum ken dadduma pay a katulagan a mainaig iti daytoy iti rehion.

4. Makinegosiar kadagiti katulagan iti panaggatang, ken, no kasapulan, irekomendarna ti karbengan ti turay mainaig iti pannakaala ti daga, pagnaan, wenzo gapu ta kasapulan ti daga iti pannakaipakat ti sistema ti pannakakolektar ken pannakaiwaras ti danum.

5. Agsapul iti mangpondo para iti pannakapataray ti autoridad iti danum, pannakamantener, ken pannakapasayaat dagiti sanikua.

6. Mangimanehar iti pannakaiwaras ti danum nga adda iti babaen ti kontrol dagiti autoridad iti danum, agraman ti pannakaipaay ti danum iti departamento ti suplay ti danum.

7. Mangpatan-ay ken mangyimplementar iti agpaut a pannakapasayaat dagiti sanikua ken iti plano iti tinawen a pannakamantener para kadagiti rehional a sistema ti pannakakolektar ken pannakaiwaras ti danum.

8. Mangpatan-ay ken mangyimplementar iti plano ti pannakaimaton ti saluad ti danum para iti tunggal saluad ti danum a mangipapaay iti danum para iti rehional a sistema ti danum.

9. Mangisagana iti tinawen a presopuesto iti pannakapataray ken presopuesto para kadagiti sanikua para iti panangrepaso ken panangaprobar ti rehional a hunta komunidad.

10. Mangidatag iti mayor iti kiddaw ti autoridad ti danum para iti tinawen a presopuesto para iti pannakapataray ken pannakapasayaat dagiti sanikua.

11. Mangidatag iti tinawen a report iti mayor ken iti konseho a pakailanadan ti pakabuklan ti panagamirisna iti tunggal sistema ti pannakakolektar ken pannakaiwaras ti danum nga adda iti babaen dagiti autoridad iti danum; singasing a plano iti pannakapasayaat ti pannakapataray, panangmantener ken panangpasayaat kadagiti sanikua

Resolusion Blng. 22-119, co1, m2

para iti tunggal sistema; maysa a modelo ti negosio, agraman dagiti opshon iti panagpataud iti enerhia; pakabuklan ti kasasaad ti lisensia ti Estado, ken kaadu ti maaramat a danum para iti publiko ken saan a para iti publiko para iti tunggal sistema agraman ti kasapulan a maaaramat kas maibasara kadagiti regulasion ti Estado ken kadagiti kasapulan kas sagudayen dagiti paglintegan.

12. Mangisagana iti tinawen a report a maiparang iti publiko, agraman ti pannakapataray, pannakamantener, ken agpaut a plano iti pannakapasayaat dagiti sanikua ken presopuesto para iti tunggal sistema, pakabuklan ken kasasaad dagiti pondo nga inaplikaran wenno naawat, dagiti komento ken rekomendasion dagiti rehional a hunta komunidad, testimonia ti publiko manipud kadagiti miting iti komunidad, ken dadduma pay a nasken a mainaig nga impormasion.

13. Mangisagana iti tinawen a presopuesto iti pannakapataray ken presopuesto para kadagiti sanikua para iti panangrepaso ken panangaprobar ti rehional a hunta komunidad.

14. Mangipaay iti suporta administratibo iti rehional a hunta komunidad.

15. Maaddaan kadagiti dadduma pay a bileg ken pagrebbengan a kas ituyang ti linteg.

16. Ti direktor ti Akindaya a Maui ket masapul a siputanna ti pannakaipatungpal dagiti katulagan iti karbengan iti danum ken kadagiti katulagan iti panaggatang, a mabalina a manginayon kadagiti lisensiado a lugar ti Nahiku, Ke'anae, Honomanu, ken Huelo ken dadduma pay a sistema ti danum iti rehion ti Akindaya a Maui.

Resolusion Blng. 22-119, co1, m2

Seksion 8-19.6

Dagiti Pondo ti Dagiti

Autoridad iti Danum ti Komunidad ti Ili ti Maui.

Amin

wenno maysa a paset dagiti mateggedan dagiti autoridad ti danum ket mabalin a maipan iti pondo ti rehional a sistema ti danum, a mabalin a maaramat para iti rehional a sistema ti danum. Dagiti pondo ket mabalin a maaramat iti pannakaipatungpal dagiti bileg, dagiti pagrebbengan, ken dagiti akem dagiti autoridad iti danum, agraman ti pannakapataray, pannakamantener, ken pannakapasayaat dagiti sanikua iti sistema ti pannakakolektar ken pannakaiwaras ti danum nga adda iti kontrol ti Ili. Ania man a balanse iti daytoy a pondo nga awan ti nakaigalutanna iti panangngudo ti tawen piskal ket saan nga agpaso, ngem ketdi agtalinaed iti pondo, maur-urnong iti panaglabas ti tawen. Ti konseho ket mangaramid kadagiti addang para iti pannakaimaton ken pannakagastos ti kuarta nga adda iti daytoy a pondo babaen ti ordinansa. Iti ania man a tawen piskal, ti konseho ket mabalinna ti mangaramid iti presopuesto manipud iti daytoy a pondo.”;

3. A ti material a maikkat ket malakub iti braket, ket maugedan met ti baro a material;

4. A, kas mayannatup iti Seksion 14-2(1) ti Charter, daytoy a Resolusion ket masapul a maidatag kadagiti botante ti Ili ti Maui iti sumaruno nga Eleksion Heneral;

5. A ti Klerk ti Ili masapul nga isaganana dagiti kasapulan a balota a maipresentar kadagiti botante iti sumaruno nga Eleksion Heneral;

6. A, kas mayannatup iti Seksion 14-1(1) ti Charter, isingasingna ti sumaganad a saludsod a mailanad iti balota ti sumaruno nga Eleksion Heneral:

“Ti kadi Charter ket maamendaran tapno mabangon ti Dagiti Autoridad iti Danum ti Komunidad ti Ili ti Maui (Maui County Community Water Authorities) nga addaan kadagiti rehional a hunta komunidad a mangimaton iti sistema ti pannakakolektar ken pannakaiwaras ti danum a magun-od ti Dagiti Autoridad ti Danum (Water Authorities), agraman dagiti lugar a lisensiado ti Estado iti Akindaya a Maui, ken tapno ikalikagumna a tun-oyen ti agpaut (long-term) a katulagan iti karbengan wenno panagupa iti pagtaudan ti danum iti nagbaetanna ken iti Estado tapno maipaay met ti agpaut ken umdas a suplay ti danum a para kadagiti pagtaengan ken para iti agrikultura?”

7. A kas mayannatup iti Seksion 14-2(2) ti Charter, ti Klerk ti Ili ket masapul nga ipablaakna a sibubukel ti singasing nga enmienda a kas nailanad iti daytoy a Resolusion iti maysa a pagiwarnak nga addaan iti nasaknap a sikulasion;

8. Nga apaman nga aprobaran ti mayoridad dagiti bontante a mangbotos iti singasing nga enmienda ken apaman a mapatalgedan ti kasta a resulta, ti singasing nga enmienda iti daytoy a Resolusion ket agepekto apaman a mapatalgedan ti botos;


Resolusion Blng. 22-119, co1, m2

9. A kas mayannatup iti Seksion 14-4 ti Charter, masapul a repasuen ken ipablaak ti Klerk ti Ili ti sibubukel a narebisar a Charter agraman dagiti enmiendana a naadaptar iti daytoy a Resolusion ken dagiti pannakabaliw dagiti numero dagiti reperensia krusada no bilang kasapulan babaen ti pannakaaprobar dagiti rebision ken dagiti enmienda, ken masapul nga ibasa ti Klerk ti Ili dagiti enmienda a naadaptar iti daytoy a Resolusion a kaduana dagiti enmienda a naadaptar babaen ti pannakaaprobar ti ania man singasing ti Komision ti Charter wenno dagiti alternatibo ti Konseho kadagiti singasing ti Komision ti Charter;

10. Dagiti sertipikado a kopia daytoy a Resolusion ket maipatulod iti Mayor, iti Hunta ti Suplay ti Danum, iti Hunta ti Daga ken Rekursos Naturales ti Estado ti Hawai'i, ken iti Klerk ti Ili.

paf:lcjm:22-176a

INDATAG NI:

A handwritten signature in black ink, appearing to read "Shane M. Sinenci", written over a horizontal line.

SHANE M.SINENCI

KONSEHO TI ILI TI MAUI
WAILUKU, HAWAII 96793

SERTIPIKASION TI ADAPSION

Adtoy NGARUD A NAPATALGEDAN a ti RESOLUSION BLNG. 22-119, CD1, FD2 ket inadptar ti Konseho ti Ili ti Maui, Estado ti Hawaii, iti daytoy maika-18 nga aldaw ti Hulio, 2022, babaen ti sumaganad a botos:

DAGITI KAMENG	AllceL LEE Pangulo	Keani N.W. RAWLINS-FERNANDEZ Katulongan a Pangulo	Gabriel JOHNSON	Natalie A. KAMA	KellyT. KING	Michael J. MOLINA	Tamara A. M. PALTIN	ShaneM. SINENCI	Yuki Lei K. SUGIMURA
BOTOS	Saan	Wen	Wen	Wen	Wen	Wen	Wen	Wen	Saan



KLERK TI ILI